



八旗通志初集卷之一百四十九
名臣列傳九

正黃旗滿洲世職大臣四

圖海



八旗通志

卷一百四十九

名臣列傳九

一

初集



圖海滿洲正黃旗人。姓馬佳氏。世居綏分地方。父名穆哈達。圖海天資忠懇。具文武才。初事

世祖章皇帝。爲內國史院侍讀。順治八年。陞內秘書院學士。遇九年

恩詔。授拜他喇布勒哈番世職。十年。晉內弘文院大學士。充議政大臣。十二年二月。以恪勤職業。股肱贊襄。加太子太保。旋以刑部事關係重大。

命管理刑部尙書事。十四年。緣事罷。十八年正月。世祖上賓。遺命圖海宜任以重地。

聖祖仁皇帝嗣位。卽於是年十月。補圖海正黃旗滿洲八旗通志卷一百四十九名臣列傳九二
都統。康熙二年。奉

命爲定西將軍。同靖西將軍穆里瑪率禁旅會川湖之師。征流寇餘孽郝搖旗劉汝魁李來亨等。至湖廣。有賊兵三千餘。夜犯總兵官俞奮起營。親率官兵。分路截殺。敗之。賊又犯總督李國英營。遣副都統赫葉擊敗之。又有二千餘賊。犯提督鄭蛟麟營。遣署護軍統領瓦岱等擊敗之。賊又犯署護軍統領根特巴圖魯夸蘭大沙津達禮薩賴總兵官于大海等營。遣署護軍統領哈克山等。分兵援剿。俱敗之。旣而郝搖旗劉汝魁等相

繼破滅。惟李來亨擁衆茅麓山。最爲險峻。圖海
因與穆里瑪率兵晝夜環攻。盡誘其餘寇殺之。
三年八月。李來亨闔門縊死。自焚其巢。得其山
寨。誘執僞新樂王。及僞將軍一員。總兵官三員。
副將二員。推官一員。賊兵六十一人。盡殺之。得
僞銀印一。又招降僞公侯二。將軍一。總兵以下
僞官五百八十餘員。兵八千八百餘人。家口三
千餘衆而還。六年二月。陞補內弘文院大學士。
加世職爲一等阿達哈哈番。七年十二月。以南
懷仁稱吳明烜儀象差錯。與大臣等同往測驗。
八年七月。以亢旱奉

八旗通志

卷二百四十九

名臣列傳九

三

初集

命同內大臣伯費揚古等。會同刑部將擬定重犯覆審。
酌量減等。九月。自以兼任都統事繁。奏言臣以
一身而膺二任。才愧兼長。且非國家文武分途
之制。乞解機務。專力戎行。得

旨慰留。十二年十二月。奸民楊起隆詐稱朱三太子。謀
聚衆爲亂。正黃旗下周公直家人陳益與焉。公
直呈首其事。言現有不識面之兇徒數十人在
其家。卽領官兵圍其宅。悉擒之。是年冬。吳三桂
反。十三年。耿精忠繼叛。南方用兵。軍需浩繁。

特命以大學士兼理戶部尚書事。十四年三月，因上疏言近來供應大兵，恐有派累民間，雖屢奉

聖諭禁止，有司未能實心奉行，應勅督撫嚴禁。一應軍需不得私派，夫役不得先期拘禁，徵收錢糧，正項外不得絲毫科歛，民間詞訟，除重情速審，速結外，其餘戶婚細事，不得濫准，牽累無辜，並禁衙蠹作奸，指公需索，土豪惡棍，魚肉善良，庶幾安居樂業，民不知兵。

聖祖是之，命速行通飭。是時察哈爾布爾尼乘吳逆作亂，劫其父阿布柰與兵造反，從嫁郡主長史辛八旗通志卷百四十九名臣列傳九四初集柱等赴

京奏聞。

聖祖命多羅信郡王鄂札爲撫遠大將軍，以圖海爲副將軍，率師往討。四月癸巳啓行，己酉次岐爾哈泰，聞賊屯達祿，因率輕騎前進。次日直抵其地，布爾尼設伏山谷，率兵三千拒敵。圖海同多羅信郡王等議將八旗滿洲蒙古烏喇盛京土默特官兵過山谷勦殺，挨次前進，忽賊兵一隊二百餘騎從山溝突出迎戰，撓亂我土默特兵。圖海卽令護軍統領哈克山副都統吳丹、洪世祿

委署前鋒統領達克沙哈等分頭進擊。親督陣指揮。並後至賊四百擊敗之。布爾尼復率兵三千排齊馬鎗軍器拒敵。圖海同信郡王議將八旗滿洲蒙古烏喇盛京官兵排列整齊。復領護軍統領哈克山等分頭進擊。仍親行督陣。擊敗之。布爾尼復聚敗兵千餘。合伊馬鎗兵拒敵。同信郡王親督八旗官兵分頭進擊。敗之。布爾尼合伊潰散兵二百餘人。哨聚岡上拒敵。仍親督官兵進擊。敗之。大獲馬鎗盔甲兵器。又招撫察哈爾民一千三百餘戶。布爾尼兄弟僅以三十騎遁去。其弟炊扎布等亦皆散走。辛亥。聞郡主留居瓦子府東三十里。遣官迎歸。捷聞。得旨嘉獎。下部議叙。由一等阿達哈哈番優給一等阿思哈尼哈番。十五年二月辛酉。

聖祖特諭兵部。大將軍貝勒董額等屯兵平涼日久。賊寇尙未勦滅。城池尙未恢復。夫秦省不能卽定。川賊尙在窺伺者。皆由王輔臣未勦滅。平涼未克取故也。其以都統大學士圖海爲撫遠大將軍。率每佐領護軍二名。亟赴陝西。總轄全省滿漢大兵。斷賊餉道。勦滅平固逆孽。速靖地方。大將軍抵平涼時。盡收各將

軍敕印。遇有分遣。酌量給付。其貝勒董額以下。悉聽大將軍節制。三月。統領大兵直抵平涼城下。大揚兵威。壁壘旌旗。倍加精彩。城中震懾。諸將請乘賊衆氣奪。卽行攻城。圖海謂我奉

天威。討此逆豎。何患不克。但念城中百姓。皆

朝廷赤子。一旦誤遭逆豎劫持。以至於此。若卽攻城。恐多殺戮。賊倘能向化歸誠。全此十萬生靈。不更美乎。城中軍民聞之。莫不感激。咸思自拔。以出。賊勢日衰。平涼城北有虎山墩。地勢最高。俯瞰城中。如在掌股。賊用精兵據守。以通西北。一

八旗通志

卷一百四十九

名臣列傳九

六

初集

路糧運。圖海親率諸將。周覽城外形勢。因謂此賊咽喉要地。卽率官兵攻之。賊衆萬餘來拒。步前馬後。布列火器挨牌。以死固守。因飭我兵分路進擊。自己訖午。大敗賊衆。斬僞總兵二人。餘賊被傷及墜崖死者甚衆。遂奪其墩。獲馬匹器仗無算。從墩上發大礮擊之。及其營署。城中動靜。無不畢睹。賊衆惶懼無策。又餉道已絕。始登城乞降。捷

聞。下部議叙。六月壬子朔。疏言臣統兵抵平涼。大敗賊於平涼城下。卽遣劄授叅議道周昌入城招撫

王輔臣。輔臣隨遣其副將乞降。恭俟

恩命。

聖祖命頒赦詔撫慰之。丁巳。圖海接奉

恩詔。復令周昌賁

詔入城。次日。王輔臣遣僞布政使龔榮遇等。率士民詣軍門。獻軍民冊。又遣其子王繼正。及僞總兵蔡元等。繳所受吳逆僞敕二紙。僞平遠大將軍印。陝西東路總兵官將軍印。各一顆。及諸僞劄。因見王輔臣尙懷疑懼。甲子。復遣周昌并親姪前鋒侍衛保定前往。溫言開諭。丙寅。王輔臣卽親入旗通志。卷二百四十九。名臣列傳九。七。初集。至大營叩頭謝。

恩。遂入城薙髮。率衆來降。隨傳令各營嚴勒隊伍。止令副都統吳丹一人。領數騎入城安撫。秋毫無犯。念百姓無辜。身陷賊中。橫遭塗炭。卽飭令地方有司。多方賑卹。收掩骸骨。其婦孺避亂在城流離困苦者。各令報明鄉貫。遣親信將士護送。交與地方官安插。毋致失所。遠邇帖然。反側者聞風來歸。固原僞巡撫陳彭慶陽僞總兵官周揚名嘉峪關僞總兵官王好問關山僞副將孔印雄及雲南土司總兵官陸道清等。各率所屬官

兵相繼來降。戊寅捷疏至。奉

旨。大將軍圖海恭承簡命。秉鉞臨邊。卽宣布恩威。勦撫並用。平涼一帶。旬月綏平。俱見籌畫周詳。布置神速。克副委用。立奏膚功。朕心深爲嘉悅。着從優議叙。有功人員。一併議叙具奏。王輔臣旣感戴國恩。悔罪投誠。着復其原官。加太子太保。擢靖寇將軍。立功贖罪。部下官弁。照銜給劄。兵民酌量安插。七月戊申疏報。秦州。鞏門等處。逆賊橫行。臣遣振武將軍佛尼勒提督張勇。王進寶等。統滿漢兵會勦。賊不能支。僞將軍吳之茂。於六月二十六日宵遁。我兵追勦。敗賊於牡丹園。復敗賊於西和縣北山。斬獲無算。吳之茂僅以十餘騎越山而遁。隨奉特旨諭吏兵二部云。撫遠大將軍都統大學士圖海。器識老成。才猷練達。贊襄機務。宣力累朝。以文武之長才。兼忠愛之至性。勞績茂著。倚毗良殷。前察哈爾布爾尼。背恩反叛。命圖海爲副將軍。統兵征勦。運籌決勝。克振軍威。未及一月。捷功立奏。逆賊殲滅。疆圉敕寧。近以平涼等處。阻兵日久。屢命勦撫。罔有成效。特簡圖海爲大將軍。總督大兵。節制各路。果爾謀畧淵深。調度得宜。軍鋒所至。一戰克捷。更能體朕好生之

八旗通志

卷二百四十九

名臣列傳九

八

初集

心。宣布恩威。開誠招撫。遂使平涼慶陽固原等處。文武官員兵民人等。傾心向化。悔罪歸誠。生民免於塗炭。地方得以安全。數日之間。關隴悉皆底定。皆由籌畫周詳。布置神速。勦撫並用。克建膚功。圖海以心膂大臣。膺秉鉞重寄。實心爲國。克副倚任。朕心深爲嘉悅。於軍功議叙外。應從優加恩。以示朕眷注忠勤。酬答勲庸至意。着議政王貝勒大臣會同議奏。尋議覆加封爲三等公。世襲罔替。甲寅復疏報。臣遣將軍穆占等。於六月二十七日。進兵斡門。賊遁去。追勦賊於紅崖等處。恢復禮縣。又慶陽僞總兵八旗通志

八旗通志

卷一百四十九

名臣列傳九

九

初集

旨嘉獎。下部議叙。九月。疏請暫停進勦漢中之役。分兵防守諸隘。別遣一軍。進勦湖廣。奉

旨。圖海卽多選精銳。率赴湖廣。勦滅逆賊。丙午。疏奏。平涼慶陽。雖經底定。而投誠兵心。尙未寧貼。漢中興安。尙未恢復。若臣親領精兵赴楚。恐不逞之徒。心懷叵測。得

旨。大將軍圖海。着停其前赴湖廣。署前鋒統領穆占。勦

勞懋著。着實授都統。佩征南將軍印。統領陝西河南滿漢諸軍。前赴湖廣。現在陝西諸將。俱聽穆占會同圖海揀擇。或從荆南渡江。或由彝陵進剿。或赴岳州。水陸夾攻。相機行事。十二月戊午。疏言。平涼慶陽。雖已底定。漢中興安。尚爲賊據。臣等議於來春進討。應先調綠旗官兵。檄提督孫思克量留兵守涼州。親統官軍趨赴秦州。將軍侯張勇遣兵二千亦赴秦州。提督趙良棟量留兵守寧夏。親統官兵。前赴鳳翔。將軍王進寶遣兵二千。亦赴鳳翔。俱於明年正月二十日內齊集所約之地。得

八旗通志

卷一百四十九

名臣列傳九

十

初集

旨。調兵征剿。事關重大。令副都統吳丹員外郎馬爾漢等。速赴張勇。王進寶。孫思克。趙良棟等軍前。調遣綠旗官兵。或如大將軍公圖海所請。或作何調遣。將軍提督等。孰宜親往。作何前進。至恢復漢中興安時。或駐守其地。或徑取四川。逐一公同確議。遣同往章京馳驛奏聞。十六年正月庚寅。疏言。臣等前調綠旗官兵。本擬於二月內。進取漢中興安。今將軍侯張勇等。咨稱宜視夏秋收穫豐歉。再圖進取。但漢中興安。山峻路險。延至彼時。適遇霖潦。賊守益堅。臣等仍欲調兵。及時進取。得

旨。大兵卽克復漢中興安。須設重兵。重兵一設。則運餉維難。若俟夏秋進取。又頓兵曠日。虛糜糧糈。今將軍穆占方勦吳逆。機不可失。大將軍公圖海等。暫停漢興之役。留滿洲蒙古兵一萬。同綠旗兵防守秦州諸隘。分兵五千。遣大臣一人。統赴荊州。到日。順承郡王等。量留官兵守荊州彝陵諸處。乘穆占由岳州長沙。進取湖南時。相機渡江破賊。四月己酉。疏報。招撫韓城等縣北山地方偽總兵喬斌等一百餘員。下部議敘。丁巳。疏言。臣令駐防秦州寶雞官兵。進逼禮縣驛門諸處。隨移檄聲言大兵分路進勦。艱難。當俟機會。酌量前進。得

八旗通志

卷二百四十九

名臣列傳九

十一

初集

旨。今將軍穆占協勦長沙。貝勒尙善與將軍鄂納水路攻岳。故逆賊吳三桂親赴長沙。集諸路賊兵。死守湖南。我兵若乘此機會。各路進勦。則吳逆指日可滅。計在陝官兵。爲數甚多。當此逆賊勢分之時。若不進逼四川。則坐糜糧餉。殄賊無期。大將軍公圖海。其仍遵前旨。速行進發。時秦省初定。反側未安。圖海擬分撥各帥。彈壓地方。然後進川。九月。

聖祖諭兵部。今廣東底定。正當破賊之時。亟宜添發大

兵平定湖南。勦滅逆賊吳三桂。項大將軍公圖海報我兵已經撤回。陝西現有大將軍將軍提督等。勦賊防汎。自無不足。且滿洲大兵。又復不少。宜分滿洲兵。每佐領三名。並酌選將軍提督所部綠旗兵。同京師兵。每佐領三名。遣赴湖廣。其令圖海會同各將軍提督確議以聞。丙子圖海等議覆疏言。臣等本宜撥滿兵。每佐領三名。發往湖廣。但陝西幅幘遼濶。所
在並須防汎。今議分滿兵。每佐領二名。酌選三將軍。二提督標下綠旗兵。三千名。同滿洲大兵。付大臣一人。率赴荊州。餘兵分守各隘。得

八旗通志

卷一百四十九

名臣列傳九

十三

初集

旨。今當秋爽。正進兵破賊之時。大將軍公圖海等。速分滿兵。每佐領二名。委大臣一人。率赴荊州。其綠旗官兵。可減一千。止撥二千。令原統率官率往。九月辛巳。

聖祖御製詩二首。及衣服等物以賜。十七年二月己未。疏請進攻四川。先是疏請濟師。言今諸路勦賊之際。亦宜進取漢中興安。但臣欲三路進兵。而在秦之兵。若留守諸處要害。則僅可進發一路。請自京增大兵。隨奉

聖祖諭。在陝滿兵。爲數不少。將軍侯張勇。將軍王進寶。王輔臣。提督孫思克。趙良棟。總兵官高孟部兵。尤多。

可與張勇等公同詳議以聞。至是疏覆。臣等公議以將軍席卜臣。西安副都統翁愛。陝西巡撫杭愛。領兵鎮守省城。將軍畢力克圖。副都統恰塔。領兵守隴州寶雞關山諸路。內大臣坤巴圖魯侍衛。副都統馬一豹。領兵守潼關。甘肅巡撫鄂善。領標兵。同副都統席廸郎中拉篤祐等。領蒙古兵守秦州。將軍侯張勇駐莊浪以防邊。四川巡撫張德地。仍留延安鎮守。延綏總兵官高孟統標兵。備棧道諸隘賊寇。臣親率將軍佛尼勒署副都統吳丹鄂克濟哈都統海爾圖。西安副都統穆成額。副都統佟世德。將軍王進寶。王輔臣。陝西總督哈占。以滿洲漢軍綠旗兵一萬三千餘人爲一路。將軍阿密達率護軍統領傑殷副都統覺和托。夸代。四川總督周有德。副都統吳國楨。署副都統張所養。涼州提督孫思克。漢中總兵官費雅達。以滿洲漢軍綠旗兵一萬三千餘人爲一路。尅期前進。提督趙良棟統標兵。繼大兵之後。鎮守西和禮縣。得

旨。進剿逆賊。固守秦中。皆大將軍公圖海將軍侯張勇將軍王進寶等是賴。應作何留兵固守秦地。使無他

虞作何進取漢興諸處。規定四川。圖海等協謀熟計。應機而行。三月丁酉。疏言。臣等遣拉篤祜轉傳

聖諭。令流番各退歸故巢。已遵

旨。陸續出口。但番情叵測。祈遣重臣一員。駐劄蘭州河
西地方。固守三邊。得

旨。將軍張勇。駐劄邊地年久。深知地方情形。着自蘭州
移駐甘州。固守沿邊地方。四月甲戌。奉

諭旨。卿向在機密重任。澡德浴身。志節高潔。奉命西征。
早清巨寇。宣布德意。兵過之地。秋毫無犯。舊德老成。
可謂社稷之臣。前者拉篤祜來。知卿平安。朕心良足。

八旗通志

卷一百四十九

名臣列傳九

十四

初集

慰也。今因拉篤祜復回汛地。故示朕意。庚寅。疏言。聞

三月二十四日。臣遣振武將軍佛尼勒叅贊軍
務署副都統吳丹等。大敗賊衆於牛頭山香泉
等處。二十六日。四川總督周有德叅贊軍務署
副都統覺和托等。大敗賊衆於秦嶺等處。恢復
潼關堡五寨。下部議敘。六月丁丑。疏報。慶陽地
方。有賊首袁本秀。受吳逆僞劄。糾合兇徒。盤踞
山林。一月之間。聚集千餘人。窺隙作亂。隨發慶
陽宜君延安三營官兵。并移咨奮威將軍王進
寶。派撥標兵。協力合剿。四月二十二日。追至衛

遠溝地方。斬僞總兵袁本秀及僞副將叅將等。并賊二百餘級。賊潰敗。下部議敘。十二月乙未。疏言。今秦省諸要隘。守禦已固。省城備有援師。臣欲輕騎赴京。面奏事宜。得

旨。圖海攜大將軍敕印前來。吳丹仍佩將軍印。暫統大兵。先是提督趙良棟疏言。湖南已經平定。應復漢中興安。願當一路。竭忠自効。

聖祖命大將軍圖海等確議。十八年五月疏言。棧道益門鎮各口。逆賊率衆來犯。據險爲營。今令提督趙良棟進臨武寨。相機而行。俟臣等擊破益門八旗通志

卷一百四十九

各臣列傳九

五

初集

諸處賊壘。如有進取之機。酌量分道而行。隨奉諭旨。湖南逆賊大敗。困蹙遁走。正當勦撫並用之時。大將軍圖海與將軍總督提督共議。亟殲侵犯寶雞之賊。恢復漢興。以平蜀地。七月疏言。益門鎮逆賊敗走。臣卽遣兵追勦。而賊毀偏橋。無路可通。俟提督孫思克趙良棟到日。會議進兵。得

旨。逆賊既敗。所在震動。自宜努力窮追。收復疆土。圖海等速調提督孫思克趙良棟等。平定漢中四川諸處。勦殺逆賊。毋失機會。八月庚寅疏言。進取漢中興安。臣等將大兵分爲四路。臣與將軍佛尼勒等。由

興安進。總兵官程福亮爲後援。駐守舊縣關諸處。將軍畢力克圖提督孫思克等。由略陽進。西寧總兵官朱衣客爲後援。駐守西河諸路。將軍王進寶。漢中總兵官費雅達等。由棧道進。延綏總兵官高孟爲後援。駐守寶雞。寧夏提督趙良棟。由徽州之巴都山進。臣等於九月初八日。四路並進。疏入。奉

諭旨。今將軍莽依圖等。大敗逆賊吳世琮。平定粵西。進取雲貴。大將軍安親王。恢復武岡州。楓木嶺。擊殺賊渠吳國貴。大將軍貝勒察尼。由常德進取辰州。將軍八旗通志 卷二百四十九 名臣列傳九 十六 初集 噶爾漢等。自郎陽進取興安。宜乘賊處處敗衄。逃遁震動之時。分路撲滅。大將軍公圖海。亟統大兵。乘機勦撲漢中諸處賊寇。速定四川。如賊敗走。卽亟躡其後。直搗窮追。勿使占據險要。十月。王進寶擊敗棧道之賊。恢復漢中。趙良棟擊敗賊衆。恢復徽州。又復略陽。十一月甲辰。

聖祖諭議政大臣等。將軍王進寶冒險前進。首先恢復漢中。提督趙良棟。亦恢復徽州。隨取略陽。今乘此破賊之勢。各路官兵。王進寶趙良棟。作何調遣。前取保寧。平定四川。可詳加議定。知會大將軍酌量而行。尋

議覆令大將軍公圖海率領大兵之半。屯駐鳳翔。防守陝西通省。以護軍統領吳丹爲將軍。率大兵之半。繼王進寶趙良棟後。十二月甲子疏報。十月十五日。臣等率大兵至鎮安縣。探賊在梁河關。分路進剿。令署理西安將軍事務佛尼勒等爲頭隊。臣親率護軍統領吳丹等爲二隊。行至火神崖。僞總兵王遇隆領兵拒戰。佛尼勒等滿漢官兵奮勇衝殺。渡乾玉河。奪取梁河關。臣等乘勝追剿。僞將軍韓晉卿遁入四川。臣等於十一月初二日。至興安州。僞將軍謝四僞總兵王永世等。併僞文武官共三百八十二員。兵丁一萬四千三百餘名。至軍前投誠。恢復興安州。平利。紫陽。石泉。漢陰。洵陽。白河諸縣。及湖廣竹山。竹溪。上津等縣。得

旨嘉獎。下部議敘。是日又疏報。平逆將軍畢力克圖等。

於十月十四日。恢復成縣。僞副將王光生。率僞遊擊等官十九員。兵丁三百六十名投誠。叅將康調元等。於十月二十九日。恢復階州。僞王將軍等敗走。渡白水江。十一月十六日。恢復文縣。僞洮岷道王文行。率僞官投誠。已卯疏言。臣欽

遵

諭旨。以建威將軍印給護軍統領吳丹。同署理西安將軍事務。佛尼勒分統大兵之半以行。又以漢中要地。雖有陝督哈占率兵屯駐。經理糧餉。然滿洲大兵。不可不留駐守。請於現存半兵內。撥發千人。令署副都統鄂克濟哈領振武將軍印。同副都統恰塔鎮守漢中。今鄂克濟哈已赴京師。姑以副都統翁愛代之。俟鄂克濟哈還日。調翁愛往鳳翔。臣率將軍王輔臣都統海爾圖副都統索訥木等。亦往鳳翔防守。

八旗通志

卷一百四十九

名臣列傳九

六

初集

詔從所請。十九年正月戊戌。

聖祖諭議政王大臣等。進取四川。以滿洲大兵爲後應。最爲要策。宜令將軍吳丹繼將軍王進寶之後。將軍鄂克濟哈繼將軍趙良棟之後。陝西已有將軍張勇提督孫思克巡撫杭愛巴錫等鎮守。宜令大將軍圖海帥師前赴漢中。接濟進蜀諸軍糧餉。鄂克濟哈率漢中滿兵馳往。合之吳丹官兵。均分統率。以爲王進寶趙良棟後繼。轉餉源源不絕。相隨而進。是月。圖海卽遵

旨統諸帥進攻四川。閏八月己丑。勇略將軍雲貴總督

趙良棟疏報。僞將軍海潮龍投誠。繳送劄印。欲聯絡迤西一帶。身任前驅。請敕諸路將軍大臣。速發官兵糧餉。以爲接應。隨奉

聖祖諭。今進取雲貴。爲期已近。大將軍公圖海等。趣所調陝西兵往西川。九月戊寅。疏報。獲僞朱三太子楊起隆。下刑部議覆。已獲楊起隆之妻馬氏。親隨小廝小六兒。並原夥鄭得勝等。現在監禁。應將楊起隆解部。與馬氏等。認識審理。得

旨。如所奏行。十一月甲子。建威將軍吳丹疏言。蜀省諸要路。應增兵分守。尋奉

入旗通志

卷二百四十九

名臣列傳九

九

初集

旨。大將軍圖海。身任疆場。署副都統希福。所率之兵。至漢中時。如何調遣。如何鎮守之處。聽其酌行。二十年正月。疏報。逆賊併力來犯四川敘州諸處。請親率兵赴援。尋奉

諭旨。大將軍公圖海。旣調副都統翁愛。率所部官兵。自成都往援敘州。總督哈占。總兵官高孟。又各率官兵。赴敘。圖海其仍駐漢中。防守秦蜀。冬。以疾還京。十二月十九日。以太子太傅都統三等公。議政大臣。中和殿大學士。兼吏部尚書。卒於位。明年二月。予祭葬。加祭二次。諡文襄。十一月丁巳。

聖祖諭吏部。殫心効職者。臣子之常經。贈爵酬庸者。朝廷之大典。

太宗文皇帝實錄告成。克昭一代之典章。永垂萬世之模範。原任太子太傅吏部尚書中和殿大學士都統公圖海。曾爲監修總裁官。著有勤勞。宜行追敘。著加贈少保。仍兼太子太傅。爾部卽遵諭行。二十二年五月癸卯。

聖祖復命立碑賜其墓云。朕撫御方夏。勤求治理。維茲承弼之臣。協心毗贊。綏靖邦家。實倚賴焉。爾圖海秉資忠懇。砥行端勤。密勿周旋。歷有年所。敬以事上。誠入旗通志。卷二百四十九。名臣列傳九。二。初集。以持躬淵鑑。沈幾克膺大任。自爲都統時。嘗平荆楚。西山之亂。還入綸扉。贊襄匪懈。乃逆賊吳三桂。憑藉寵靈。煽動南服。一時羣不逞之徒。囂然附和。察哈爾孤負國恩。造孽構孽。爾以將軍副信郡王。祇承廟算。出關征討。膚功立奏。東服底平。繼以涇原騷動。西土震驚。命爾爲大將軍。以乘勝之師。廻戈西嚮。賊方肆其狂蹶。思與滇逆併力。惟爾以重臣建牙。遂得橫截秦隴。扼吭擣虛。逆勢窮蹙。始帖耳垂尾。復來効命。邇年以來。爾鎮撫三秦。威略大著。能使羣賊膽寒。則凡天戈所指。建耆定之成功者。惟爾勞勤爲多。爵以上

公俾之振旅。方將復煩以機務。與之講持盈保泰之理。共享隆平至治。詎圖勤瘁之餘。溘焉殞逝。腹心失倚。深用盡傷。雖恩卹有加。錫之嘉諡。而朕軫悼元老之心。則未有已也。爰命伐石樹之墓道。使後有溯勲舊之烈者。得以考焉。雍正二年。加贈爲一等公。二月。

配享

太廟先期祭告文云。功臣圖海。歷事

累朝。忠勲夙著。祇遵

皇考昔年諭旨。配享

太廟。從祀春秋。今當孟春時享之期。安設文襄公圖海

八旗通志

卷二百四十九

名臣列傳九

三

初集

牌位於西廡。涓吉具儀。虔申預告。尋

命建特祠。春秋致祭。其祠堂碑云。朕惟國家義重酬庸。典隆眷舊。丹宸錫寵。已隆配享之文。紫綬揚芬。更重專祠之祭。所以篤純臣。旌丕績也。爾圖海賦資誠懇。奉職公忠。入掌樞機。允副弼諧之任。出麾旄鉞。屢成克敵之功。運籌而荒服蕩平。威宣闔外。制勝而西陲底定。績奏師中。宜示褒揚。俾膺特祠。輝煌棟宇。色映雲霞。璀璨綸絲。光生碑碣。屆春秋之令序。薦黍稷之維馨。於戲。嘉乃壯猷。丕著優崇之典。念茲元老。宏敷逾格之恩。式克欽承。昭茲來許。先是陝西士民。感念

舊德奉神主崇祀名宦祠亦春秋致祭焉子諾
敏襲三等公爵仕至禮部尙書諾敏子馬爾賽
襲一等公爵仕至大學士。

八旗通志

卷二百四十九

名臣列傳九

三

初集

八旗通志初集卷之一百五十

名臣列傳十

正黃旗滿洲世職大臣五

希爾根

子喀西泰

喀喇尼

子扎福尼 孫空古圖 族人穆魯

舒里渾

孫特爾勤

弟羅多渾

族人穆魯

鄂能

父松阿禮

德爾格勒

弟尼雅漢

吳巴海巴圖魯

從孫馬克度

根特巴圖魯

父達雅里

子格爾忒

坤巴圖魯

阿喀尼

圖爾伯深巴圖魯

奇塔特魏徵

弟之子希爾布

八旗通志

卷二百五十

名臣列傳十

一

初集

額參

瓜喇

子庫達禪

昂昆杜稜

克福蘭

父赫臣

子喀齊

安達禮

賴圖庫

覺羅阿克善

達理善巴圖魯

舒書

圖喇

希爾根滿洲正黃旗人。初隨侍

太宗文皇帝於藩邸。天命十一年。蒙古喀爾喀背盟。

太祖命

太宗同諸貝勒征之。追其幼子囊努克。希爾根馬疲不前。易他馬馳至衝入。敗其從兵。天聰八年。授牛叅章京世職。隨大兵征明。至曹州。遇太監高起潛兵。領燾先入敗之。又同固山額真譚泰。敗明三屯營兵。及我師出邊。明兵來追。諸將護輜重先行。希爾根獨殿後。敗追兵。崇德元年。超加一等甲喇章京世職。尋委署燾章京事。七年。我師征明。由黃崖口入長城。取其邊口。薊州總兵白騰蛟率兵往桃林。固山額真譚泰遣希爾根往薊州城東圍之。騰蛟反擊我兵。與之遇。敗之。順治二年。定鼎燕京。追敘勲舊勞績。以希爾根係太宗眷顧舊臣。加半個前程。是年追流寇至綏德州。同噶喇昂邦西特庫等。擊偽田總兵走之。進圍延安府。賊攻鑲藍旗汛地。擊却其衆。尋有賊一隻虎。出延安城。攻正白正紅及本旗汛地。希爾根連破其衆。我兵至西安。同噶喇昂邦西特庫往躡賊踪。遇賊二隊。盡殺之。進至湖廣承天府。同

八旗通志

卷一百五十

名臣列傳十

二

初集

鰲拜巴圖魯先往取城。並擊賊兵於武昌府。及大江等處。凱旋。加授三等梅勒章京。世職三年。隨肅親王豪格征四川。同固山額真噶達洪等。連敗敵五次。遇賊首八大王張獻忠兵。迫我正藍旗汛地。希爾根率擺牙喇擊走之。又敗賊袁韜兵於涪州。五年。緣事降爲三等阿達哈哈番。六年。隨征西大將軍巽親王滿達海征山西叛鎮姜瓖。時平遙太谷二縣負固不服。希爾根率兵圍太谷。以紅衣礮攻破其城。僞知縣李成沛都司吳汝器率兵遁。我師遮擊。殲其衆。進圍大八旗通志

卷一百五十

名臣列傳十

三

初集

同。復破賊五千餘人。圍長子縣。渾源州朔州等處。俱督兵克其城。遂招降永寧州嵐縣。潞安府賊分兵二路。一拒沁州。一拒遼州。希爾根同鎮國公韓岱率官兵赴遼州。賊將率兵迎戰。我軍大敗之。其他州縣俱降。七年。九年。三遇

恩詔。加世職至二等阿思哈尼哈番。十一年。以罪降爲

三等。旋論前功。仍加爲一等阿思哈尼哈番。十三年。擢領侍衛內大臣。卒於官。子喀西泰。康熙十三年。以護軍叅領從征逆藩吳三桂。由陝西進四川朝天關。賊將石存禮等率衆萬有七千。

修木城。斷隘口。設藥礮於山下。立寨兩重。連營三十餘以拒。喀西泰隨前鋒統領穆占擊破之。賊將王屏藩、鄭蛟麟、吳之茂、何德成等率四萬衆拒戰於蟠龍山。又有賊水師兵自江中登岸。前後夾攻我軍。喀西泰力戰不克。遂歿於陣。尋議卹。贈拖沙喇哈番。

喀喇。滿洲正黃旗人。

國初率宗族來歸。授遊擊世職。兼管牛彘章京事。屢從征伐。在烏喇、伊漢、阿林、雅闌、阿奇闌等處。敗敵有功。

八旗通志

卷一百五十

名臣列傳十

四

初集

賜巴圖魯號。置在十札爾固齊之列。出征葉赫。敘功。加世職爲副將。又與明總兵劉綎接戰。身被七創。勝之。竟以傷發歿。順治十二年。追謚恭襄。子二人。長札福尼。天聰三年。隨大兵征明北京。於灤州遇明兵。見我兵三人被擒。札福尼奮勇救出。以功授備禦世職。崇德八年。同薩穆什喀霸奇。蘭征黑龍江有功。又加半個前程。次阿福尼。初襲父牛彘章京世職。天聰三年。從大兵征明北京。至灤州。與兄札福尼同救出被擒兵。授備禦世職。陞甲喇章京。仍管牛彘章京事。崇德六年。

隨大兵與明經畧洪承疇兵戰於錦州。被誣罷職。并奪其前所賞千人。明年洪承疇降。

太祖高皇帝問我兵及敵兵情形。卽奏言是陣。

聖主軍中。有一衣黃甲騎花馬者。奮勇衝入。臣兵莫能當。乃却。師之所以得出者。斯人之力也。

太祖乃命是陣兵將騎射甲馬悉照當日。使承疇物色之。至阿福尼。洪承疇曰。此人是也。詢其名。知爲阿福尼。

太祖大悅。曰。前罷爾職。甚非其罪。遂復其官。仍以所收

千人賞之。尋以傷發卒。札福尼第四子空古圖。

八旗通志

卷一百五十

名臣列傳十

五

初集

順治四年。隨燾章京陳泰征福建。用雲梯攻興化府。以第四人登城克之。賞馬匹銀兩。擢阿爾哈章京。又於平和縣遇賊。擊敗之。十七年。襲兄羅多渾二等阿達哈哈番世職。康熙十三年。從征逆藩耿精忠。至江西。同雅賴等敗賊。十四年。七月。進攻宜黃縣。賊兵五千餘。出城據山逆戰。隨侍郎舒恕擊敗之。十五年。隨副都統倪滿破賊於長興。又隨安親王岳樂征逆藩吳三桂。敗其黨夏國相兵於萍鄉縣之來龍山。十八年。平定湖南武岡州。敗黃茅嶺賊。生擒僞都司叅將

守備千總把總共五人。以功加至一等阿達哈哈番兼一拖沙喇哈番。

舒里渾。札福尼之長子。喀喇之孫也。初襲父職。天聰五年。從征大凌河。城內蒙古兵出戰。隨大兵擊之。斬其帥。順治元年。從征流賊至延安府。隨定南將軍希爾根。擊敗賊衆。賊復率步兵來戰。同魯席巴圖魯連敗之。三年。隨揚威大將軍豫親王多鐸。追騰濟思。敗土謝圖汗及碩羅汗兵。六年。隨定西大將軍端重親王博洛等。征大同叛鎮姜瓖。擊敗偽巡撫姜建勳等。十五年。從征雲南貴州。隨信郡王多尼。擊偽侯李成蛟於凉水井。追至雙河口。敗偽晉王李成國。並在事有功。加授三等阿思哈尼哈番。尋陞副都統。病卒。子穆里渾襲。尋以病休致。穆里渾次子特爾勤。襲管父佐領。康熙二十年。從征南大將軍賴塔。征逆孽吳世璠。破偽將軍何繼祖等。奪石門坎黃草壩。乘勝攻拔嵩明州等城。直抵雲南省城。並在行間有功。復隨都統希佛。追偽將軍馬寶等於烏木山。敗之。又追胡國柱於永昌。並在事有功。授拜他喇布勒哈番。又札福尼次子羅

多渾者。舒里渾弟也。崇德二年。攻明旅順口。及錦州。隨大兵。擊敗明經畧洪承疇三營步兵。征山東時。從大兵。攻拔順德府城。以功授三等阿達哈哈番。順治七年。九年。三遇。

恩詔。加至一等阿達哈哈番兼一拖沙喇哈番。尋卒。以其第四弟空古圖承襲世職。又有穆魯者。舒里渾族人也。康熙十三年。以筆帖式。隨經畧莫洛。征逆藩吳三桂。至陝西寧羗州。值提督王輔臣叛。穆魯與莫洛同被害。追授拖沙喇哈番。以其從兄噶爾賽襲。

八旗通志

卷一百五十 名臣列傳十

七

初集

鄂能滿洲正黃旗人。姓興嘉氏。世居貝坤沙秦地方。父松阿禮。

國初從征查庫塔豁屯。中傷陣亡。鄂能於崇德五年。從征明錦州。至松山。擊敗兵敗之。射殺二人。及出錦州。保護運糧船隻。適敵兵來劫我糧。鄂能力戰退之。敵復攻內大臣伊爾敦營。鄂能援之得免。是役也。鄂能因腿中傷。賞銀三十兩。七年。從貝勒阿巴泰征明。至山東。明王總兵逆戰。鄂能隨公費揚古擊敗之。遇天津哨卒。射殺四人。盡獲其馬。又以雲梯攻克兗州定州二城。因

賜名巴圖魯。授牛彙章京。世職兼半個前程。順治元年。隨睿王多爾袞入山海關。破流寇。追至慶都。大破之。二年。隨豫親王多鐸南征。渡江。遇賊船五百艘。乘小船破之。生擒賊將。三年。從征福建。五年。從征山西。俱有功。七年。九年。三遇

恩詔。加世職至一等阿達哈哈番。兼一拖沙喇哈番。官至奉天將軍。康熙三十年。以疾卒。

德爾格勒滿洲正黃旗人。姓納蘭氏。葉赫國金台石貝勒子也。天命四年八月。

太祖高皇帝攻葉赫。破其城。金台石貝勒止據一城。我八旗通志卷二百五十一名臣列傳十一八初集兵圍之。招其降。不從。時德爾格勒已被執。

太祖命往勸諭其父。德爾格勒遵命勸其父降。言我等戰既不勝。城又已破。今居此臺何爲。盍下臺往投。殺則死。留則生而已。勸諫再四。金台石貝勒終不下臺。

太宗文皇帝時尙爲貝勒。因執德爾格勒回。欲縛而殺之。德爾格勒曰。吾年三十六。死於今日。殺之可也。何縛焉。於是

太宗留德爾格勒於家。悉以其言轉奏。

太祖諭曰。子招父降而不從。父之罪也。父當誅。勿殺其

子。

太宗因引德爾格勒來見。

太祖以所食物令

太宗賜德爾格勒併與之同食。曰：此爾之兄也。善遇之。未幾授梅勒章京世職。卒。長子南褚襲。南褚子穆占仕至征南將軍都統。吳丹仕至建威將軍。內大臣。陣亡。見名宦名臣傳。德爾格勒弟尼雅漢以積勞授牛彙章京世職。管牛彙事。尼雅漢長子明珠仕至武英殿大學士。明珠子成德康熙十二年進士。彙刻唐宋以來解經之書。名曰八旗通志。卷一百五十。名臣列傳十九。初集通志堂經解。凡數千卷。又自著周易粹言八十卷。禮記集註考誤三卷。附入經解行世。人以爲有功經學云。

吳巴海巴圖魯滿洲正黃旗人。初管牛彙章京事。天聰六年從大兵征察哈爾國。追捕我國逃人。遇察哈爾五人。斬之。獲馬十九匹。十二月。

太宗命征兀札喇地方。吳巴海以二旗兵合爲一路。四路並進。聞彼在握黑河捕魚。因遣二旗兵入斬三百餘人。獲人口馬匹皮張甚多。明年征明旅順口。復破敵有功。八年同季思哈收服東海虎。

爾哈部落。九年。同荆古爾岱收服瓦爾喀部落。又隨大兵招撫額哲額駙。旋奉令追喀爾喀部落人。岳託貝勒國舅阿什達爾漢謂之曰。爾無違毛罕之言。惟聽彼調遣。若遇敵兵。當力戰。後吳巴海覺毛罕心懷異志。行事悖逆。卽別從間道往追。毛罕知之。先遣人報知敵人。早已潛遁。吳巴海星夜追及之。獲駝馬銀兩等物。并獲明國使臣四人。俱斬之。復往追喀爾喀部落。全執以歸。獲人馬無算。論功。授一等甲喇章京世職。是年。任禮部承政。率兩旗兵。往征厄勒約鎖厄墨庫倫地方。俘獲甚多。編爲戶口。崇德元年。嘉其功。加至三等梅勒章京世職。尋奉

命駐防邊城寧古塔地。十二月。

興京守將扈什塔報蒙古葉雷率妻子牲畜逃走。

吳巴海奉

命同席特庫率寧古塔兵追之。過烏喇地方。見天鷲三

隻栖止。爲科爾沁國人名俄爾多木者。射中其

一。鷲帶箭而飛。欲逐去之。鷲忽不見。迹之。乃見

逃入營中遺火。遂星夜前追。至溫多地方圍之。

諭令歸降。不從。因攻入。殺九十四人。獲其妻子

八旗通志

卷一百五十

名臣列傳十

十

初集

八十三名。馬五十七匹。問逃人之首葉雷安在。答曰。葉雷殺鹿爲食。攜其妻子逃去矣。吳巴海等卽率兵前追。葉雷預覺。遂殺其妻子。逃入山中。吳巴海等追至。環圍之。復令彼歸順。不從。縱矢交射。忽一白狐躍起。觸葉雷弓而馳。弓爲狐項套去。因射死葉雷。並殺其從者四十餘人。明年五月還。

太宗命固山額真等。出迎五里宴之。論功。超加三等昂。五年。邦章京世職。賜衣服馬匹田莊。加世襲十二次。

八旗通志

卷二百五十

名臣列傳十

十二

初集

太宗命薩木什喀曹海等。征虎爾哈部落。有鐸陳等四木城人不降。吳巴海等率兵助攻之。遂克其城。尋卒於官。其兄之孫馬克度由五品官從征南。大將軍賴塔征逆孽吳世璠。由廣西進雲南。破石門坎黃草壩。直抵雲南。平定逆孽。並在行間。康熙二十五年。授拖沙喇哈番。後緣事削去本身所得世職。襲伊叔祖吳巴海之拜他喇布勒哈番。世襲罔替。

根特巴圖魯滿洲正黃旗人。父曰達雅里崇德三年。從大兵征明。攻深州。首先登城克之。

賜巴圖魯號。四年授牛錄章京世職。順治七年九年三遇。

恩詔。加至一等阿達哈哈番。根特早從征戰。屢立功績。崇德八年。從貝勒阿巴泰征明。至山東。攻泗水縣。以第二人登城。克之。又攻直隸定州。克其城。亦。

賜巴圖魯號。論功授牛錄章京世職。順治元年。任刑部理事官。二年。追敘前功。加半個前程。五年。從征南大將軍固山額真譚泰往江西。征逆鎮金聲桓。同固山額真何洛會擺牙喇章京喀爾他喇。八旗通志 卷一百五十 名臣列傳十 十一 初集 至南昌府城下。豎雲梯進攻。十九日。蒙古固山兵先登。克之。未幾。金聲桓中二矢。赴水死。生擒王得仁。其黨殲焉。南昌等六府悉平。六年。從征大同。叛鎮姜瓖。自蒲州至平陽。大破偽帥白璋。斬之。復擒偽監軍衛登。方于猗氏。斬獲甚衆。七年。九年。三遇。

恩詔。加世職至一等阿達哈哈番。累任至副都統。康熙十二年冬。逆藩吳三桂反。十三年正月。奉。

命率領官兵駐防兗州。二月。奉。

命同席布由兗州赴江西省城。三月。逆藩耿精忠據福。

建反。根特巴圖魯奉

命率現駐南昌官兵相機剿禦。并同吏部侍郎舒恕等。叅贊定南將軍希爾根軍務。未幾廣東潮州總兵劉進忠叛。降於耿逆。四月奉

聖祖仁皇帝諭。同席布等候將軍希爾根哈爾哈齊兵。至江西。卽率所部官兵急赴廣東。一切機宜。同平南王尙可喜叅酌以行。尋授根特巴圖魯爲平寇將軍。由廣東進兵。八月卒於軍。子格爾忒康熙十四年。從征逆藩耿精忠。至浙江。敗僞總兵張光兆等於秀溪山。十一月隨寧海將軍喇哈達敗海寇許耀等三萬衆於小門山。又敗僞帥何佑等於太平山。百木山。蜈蚣山等處。俱在事有功。授拖沙喇哈番。

八旗通志

卷一百五十

名臣列傳十

三

初集

坤巴圖魯滿洲正黃旗人。姓那穆都魯氏。父曰伊內克。世居瓦爾喀綏分地方。天聰九年。大兵征瓦爾喀時。伊內克首先歸順。崇德八年。授半個前程世職。坤巴圖魯初名坤。以轄員早從征伐。崇德六年。從大兵征明圍錦州。明軍門洪承疇援兵將至松山。坤奉

命駐營於松杏二山間以拒之。敵兵夜遁。城內兵出遁。

者闖入我右翼營汛。右翼官未及拒守。坤獨當門拒戰。被敵傷不退。遂

賜號巴圖魯。授一等甲喇章京世職。是年其父伊內克卒。明年坤巴圖魯併襲父職。半個前程。順治七年。九年。三遇

恩詔。加至一等阿思哈尼哈番。兼一拖沙喇哈番。十年。緣事革轄職。併革去拖沙喇哈番。十一年。從靖南將軍朱瑪喇征廣東。敗偽安西王李定國萬衆於新會縣左山上。復敗其步卒四萬於山峪內。追至橫州。又敗之。坤巴圖魯並在事有功。累八旗通志卷二百五十名臣列傳十

十四

擢至都統。康熙十二年。

聖祖仁皇帝諭曰。勤勞匪懈。臣子盡職之心。爵秩攸加。國家酬庸之典。庫魯克達爾漢阿賴希爾根。坤巴圖魯自

太宗文皇帝以來。効力行間。或恪恭左右。或招撫外國。均奉職有年。克著勞績。宜加寵錫。以示眷懷。俱着加太子太保。是年冬。逆藩吳三桂反。十三年。授坤巴圖魯爲振武將軍。同夸代阿爾瑚率每佐領驍騎二名。赴河南汝寧防守。是年議敘前功。仍加一拖沙喇哈番。十四年正月。同副都統翁愛德業

立率西安每佐領甲士一名。赴漢中助席卜臣固守。五月進剿克復秦州。四川平涼賊兵來援秦州。坤巴圖魯同西安將軍佛尼勒總兵官孫思克大破之。並復禮清水伏羌西和等縣。十七年奉

命同副都統馬一豹守潼關。二十二年。以從前救漢中違約不進罪。議革世職之半。

聖祖特諭坤巴圖魯鄂內。雖軍中獲罪。事非由已。今罷職閑居。朕深爲憫念。俱授爲散秩大臣。但二人俱年老衰邁。能步履令其上朝。不然。則聽其家居。勿強也。

八旗通志

卷一百五十

名臣列傳十

五

初集

尋卒於家。

阿喀尼。坤巴圖魯子也。康熙十四年。以一等侍衛從征吳耿二逆藩。至江西。耿逆僞帥黃豪於鄱陽湖率賊萬餘。船七百隻。三路來戰。阿喀尼率舟師敗之。復於康山周湖汊口。界牌舖景德鎮等處地方。屢敗賊衆。又敗僞帥程鳳等於沉香山。張名揚等於馬鞍山。復連破賊兵於土地堂林田等處地方。遷副都統。仍在軍前領兵。隨簡親王喇布。進至吉安府。吳逆僞帥韓大任。陳耀元等。復率衆七千拒戰於騾子山。我軍失利。

阿喀尼力戰陣亡。二十五年議卹。贈拜他喇布勒哈番。

圖爾伯深巴圖魯滿洲正黃旗人。姓布爾察氏。世居阿庫禮地方。初充阿禮哈超哈。崇德八年。從奉命大將軍貝勒阿巴泰征明。至山東泗水縣。圍其城。第一先登克之。

賜巴圖魯號。授牛錄章京世職。順治七年。九年。三遇恩詔。加至二等阿達哈哈番。累任至杭州將軍。年老致仕卒。

賜祭葬如典禮。謚敏果。

八旗通志

卷二百五十

名臣列傳十

去

初集

奇塔特魏徵滿洲正黃旗人。姓博爾機錦氏。世居克魯倫地方。阿都魯思哈爾濟農之族也。天聰八年六月。率子弟來歸。進獻馬匹。

賜緞衣一襲。是月。

太宗文皇帝親征科爾沁。駐蹕西喇兀蘇河之南山岡。奇塔特魏徵率所部兵來會。并獻酒殺馬匹。因奉

命隨大兵往圍錦州。城內明兵突出來犯。奇塔特魏徵力戰歿於陣。追授三等阿思哈尼哈番。子胡尼齊承襲。奇塔特魏徵之弟托克托會以來歸功。

授世職一等甲喇章京兼半個前程。希爾布。托克托會子也。襲父職。順治十一年。從靖南將軍朱瑪喇征廣東。至新會縣。連敗偽安西王李定國兵。論功。加至三等阿思哈尼哈番。世襲罔替。額參滿洲正黃旗人。姓吳雅氏。世居葉赫地方。初任布達衣大。累擢至內大臣。崇德元年。隨

太宗文皇帝征朝鮮時。朝鮮遣人致書明國。額參見而射之。朝鮮人應弦而倒。

太宗嘉其能。因以朝鮮人所乘馬賜之。明年正月。同超

品公楊古利額駙領兵前進。大破朝鮮兵。朝鮮

八旗通志

卷二百五十

名臣列傳十

七

初集

小卒有匿石巖間竊發烏鎗者。楊古利中傷而歿。

太宗甚痛之。忽有一人越山而去。圖賴指而言曰。彼上山東去者。卽傷死楊古利者也。

太宗命額參追之。至次日回大營。以其首來獻。

太宗命睿親王多爾袞等議其功。王等議覆。此人去一夜方回。似非斬將擐旗者可比。額參卽向

太宗前懇請曰。王等所議是也。

聖主縱施厚恩。臣亦安敢承受。

太宗是之。三年。復隨睿親王等征明。攻濟南府大同等

處俱有功。凱旋議敘。授牛叅章京世職。雍正元年。追封。

仁壽皇太后三世額參與其父額布根。子魏武。並追封

一等公。

賜之勅曰。

仁壽皇太后曾祖額布根者。本朝舊族。創業名家。

太祖高皇帝時。撫育禁庭。視同子姪。一等阿思哈尼哈番兼佐領額參。乃

仁壽皇太后之祖父也。歷事三朝。軍功懋著。護軍叅領

魏武。乃

八旗通志

卷一百五十

名臣列傳十

六

初集

仁壽皇太后之父也。天挺俊傑。啓後承先。厚德鍾靈。篤生

聖母。宜加峻秩。以協彝章。將額布根額參魏武。俱追封爲一等公。妻俱追封爲公一品夫人。其一等公。給魏武之子白啓承襲罔替。

瓜喇滿洲正黃旗人。姓氏覺羅氏。世居鄂莫渾地方。崇德六年。從大兵圍錦州。擊敗明松山兵於濠邊。明經畧洪承疇率兵來犯。鑲紅旗汎地。復同巴布海擊敗之。敵復犯我步軍營。三次俱擊敗之。及敵兵敗入塔山五里台。睿王多爾袞

命瓜喇率大營擺牙喇守之。敵人無一出者。獲馬十匹。並斬其來援之十一人。明日攻破其臺。因率兵進。勦盡殲焉。復擊破監軍道張春兵。身被三創。及至札爾都地方。我塔南馬爲敵所奪。因率五人追至娘娘宮。巡視海岸。我達布孫尼堪僅千人。敵適至。衆皆欲進。瓜喇阻之。乃俟夜前進。遇敵無不以一當十。賊多溺水死。進兵至昌平州。敵兵乘夜以哨卒來探。擊敗之。及攻城登雲梯者皆被傷退。瓜喇乃越衆前進。奮勇而登。克之。及至大同攻其城。瓜喇奉

八旗通志

卷二百五十

名臣列傳十

五

初集

太宗命。踊躍而登。進擊敗塚口上僞伯一人。七年。從固山額真譚泰等征明。至黃崖口。攻其城。克之。順治元年。隨固山額真譚泰駐防太原時。僞帥姜都司率兵二千圍易縣。瓜喇擊敗之。又僞劉總兵圍固山額真宜拜營。瓜喇同阿濟拜率滿洲蒙古兵四百。連夜進勦。擊敗賊兵。獲馬四百餘匹。三年。從肅親王豪格征四川。擊賊首張獻忠兵。屢破之。瓜喇屢從征討。身被二十七創。前後共得賞十次。以功授牛泉章京世職。七年九年

三遇

恩詔。加至二等阿達哈哈番。官至副都統。以疾卒。子庫達禪。康熙十三年。以護軍叅領從征吳逆。經石門坎黃草壩桂花寺之戰。俱在行間有功。授拜他喇布勒哈番。二十九年。從撫遠大將軍裕親王福全征厄魯特噶爾丹。與賊戰於烏闌布通陣亡。又加贈一拖沙喇哈番。

昂昆杜稜。滿洲正黃旗人。姓博爾濟錦氏。原係察哈爾蒙古貝子。率衆來歸。授三等副將。世職天聰三年。從大兵征明。擊松山步兵。昂昆杜稜率先衝入。大敗敵衆。崇德三年。從大兵征明。至

八旗通志

卷一百五十

名臣列傳十

二十

初集

北京。同譚泰擊明軍門盧象昇兵。直前破敵。至通州。復同譚泰大敗敵衆。又率安岱吳努和往。勒索諾馬諾木齊。以達巴海爲鄉導。圍之。索諾馬諾木齊聲言欲降。而意終不決。昂昆杜稜卽聚衆監守之。其衆始降。挾之來歸。中途復謀變。昂昆杜稜突前刺死一人。衆乃定。六年。從大兵圍錦州。敗敵兵三隊。又率各章京等。從大兵征明。至通州北單屯地方。敵人馬兵出犯。昂昆杜稜奮勇前進。斬首六級以獻。凱旋後。以疾卒於家。

克福滿洲正黃旗人。姓覺羅氏。世居哈布察地方。父名赫臣。天命初率宗族來歸。授半個牛录章京。奉

命率兵招撫羅多羅和等。赫臣宣示威德。率以來歸。又從征烏喇等處。俱有功。給牛馬布帛等物。是時葉赫抗命。

太祖高皇帝命赫臣往招撫之。至其地。備陳太祖寬仁。并諭以利害得失。葉赫不從。復奉

命再往招撫。葉赫拘繫欲降之。赫臣慷慨抗節。奮罵不屈而死。四年。葉赫既平。

八旗通志

卷一百五十

名臣列傳十

三

初集

太祖追念前勲。將葉赫大臣沙津台吉。給克福刃之。以酬復父怨。以慰忠魂。仍授克福管牛录章京事。天聰四年。隨

太宗文皇帝征明。同圖魯什沙爾虎達等捉生明境。遇明哨兵截戰。擊敗之。獲馬八匹。生擒二人以歸。是月。

太宗凱旋回京。路遇伏兵突出截路。克福適在。巡哨。乃奮勇衝殺。斬六十餘級。獲馬八匹。敵兵遂大潰。論功。授牛录章京世職。尋加授三等甲喇章京。崇德三年。擢吏部副理事官。尋陞理事官。六年。

隨鄭親王濟爾哈朗圍錦州。有先降明之蒙古人名諾木齊者。率家口自明地來歸。明錦州兵環圍數匝。克福乃奮勇衝進。盡出諾木齊家口於萬衆中。論功賞銀四十兩。又隨豫親王多鐸往畧錦州地。直至城南高臺。斬獲甚衆。師旋。復給蒙古男婦四人。牛一頭。八年。

世祖章皇帝嗣位。克福約在內。兩旗大臣韓員共書名爲誓章。矢志公忠。順治二年。授

福陵總管。在任七年卒。次子喀齊蘭。順治四年。任噶布什賢壯尼大。六年。襲管牛彙章京事。九年。

八旗通志

卷二百五十

名臣列傳十

三

初集

恩詔。授拜他喇布勒哈番世職。尋擢吏部郎中。十一年。署理甲喇章京事。隨寧海大將軍宜爾德。征浙。江舟山。同固山額真顧魯古。於夏關地方破敵。斬首千級。又同轟章京車爾布。乘勝取舟山。先八旗登進。大敗敵衆。獲紅衣礮一百六十四位。軍器無算。十二年。議功第一。陞擺牙喇甲喇章京。十五年。轉噶布什賢章京。康熙十八年。隨順承郡王勒爾錦。征逆藩吳三桂。率兵至湖廣澧州。同署副都統馬爾齊哈。招降僞知府叅將等官。遂下其城。渡江。追殺賊衆。生擒三人。獲軍器

無算。是年擢正黃旗蒙古副都統。二十年轉滿洲副都統。三十八年病卒。

賜祭葬如典禮。遣官致祭。子凱音布。初襲祖克福三等阿達哈哈番。康熙十年。以才能授監察御史。

聖祖命往山西陝西等處勘察銅礮。回奏詳明稱

旨。二十三年襲管佐領。二十六年擢光祿寺正卿。陞通

政使。又陞內閣學士兼禮部侍郎。明年署兵部

侍郎。二十八年陞倉場總督。旋調工部侍郎。轉

戶部。又調吏部侍郎。改正黃旗漢軍副都統。三

十三年轉滿洲副都統。三十九年改禮部侍郎。

八旗通志 卷一百五十 名臣列傳十

三

初集

命往廣東審理苗蠻事。讞決明允。蒙

恩嘉獎。任議政大臣。四十年擢戶部尚書。明年

賜御書典司邦本四字匾額。詩卷一軸。上駟院馬一匹。

御製詩扇一柄。四十五年以老病乞休。奉

旨。凱音布諳練戶部事務。著勉力再任。一二年。十二月

調禮部尚書。四十七年復以老病乞休。奉

旨。卿乞休情詞懇切。著以原官致仕。五十二年

特賜御用冠一頂。衣一襲。馬一匹。五十四年復自熱河

賜御書御製詩扇一柄。六十一年疾作。

聖祖自熱河遣其子喀爾吉善回京看視。并給醫藥。病

稍痊。雍正元年奉

旨。照現任大臣例。派往

景陵。

賜數珠。端硯等物。五月病篤。奉

旨。凱音布係年老大臣。使伊子接回來京調理。十二月

卒。

特遣內大臣奠酒。復

諭該部。凱音布効力年久。雖年老衰頹。告休。朕安置

陵上。因病令其回京調理。忽聞溘遊。朕心深爲軫惻。應

得卹典。著察例具奏。二年。

八旗通志

卷二百五十

名臣列傳十

十四

初集

賜祭葬銀五百兩。遣官致祭。子喀爾吉善官至兵部侍

郎。

安達禮滿洲正黃旗人。姓顏札氏。世居葉赫地

方。

國初率衆來歸。任牛錄章京。天聰八年。隨大兵征

明。往鐵嶺春粟。遇蒙古兵來犯。同葉臣首先衝

擊敗之。尋戍守牛莊。追蒙古逃人。徒步擊斬之。

攻永平時。

太宗文皇帝命副將阿山葉臣。選部下猛士二十四人

同往。安達禮與焉。夜乘火光登城。克之。

賜蟒緞一疋。素緞十九疋。青布二百疋。馬十匹。牛十頭。

駝一隻。自永平還。同土魯什春科落巴圖魯往探建昌。夜遇敵兵交戰。赫夜訥牛彙下袞圖馬中矢仆。安達禮奮力救出。九年。率本甲喇兵攻惇縣城。部下一人。以第二登城有功。又率四十人伏忻口。遇敵兵二百餘。擊敗之。獲馬五十一匹。生擒六人。凱還出邊。遇圖爾格所擊敗敵兵。右翼兵俱未至。安達禮追及之。斬殺盈壕。十年。敘功。授牛彙章京。世職。崇德三年。從征明。攻克薊州有功。加世職爲三等甲喇章京。緣事降爲

八旗通志

卷二百五十

名臣列傳十

五

初集

牛彙章京。崇德六年。以係

太祖眷顧舊臣。加授三等梅勒章京。世職。世襲罔替。並管梅勒章京事。七年卒。

賴圖庫安達禮子也。天聰五年。年十五。從

太宗文皇帝攻大凌河。並往畧錦州。忽城內突出兵五千餘。列陣來戰。賴圖庫同牛彙章京尼塔哈等。擊敗之。又同尼塔哈破明監軍道張春兵。八年。隨大兵征大同。攻其新城克之。

賜牛馬。崇德元年。隨大兵征朝鮮。路遇騎兵十人。射殺三人。獲馬二匹。三年。隨揚威大將軍貝勒岳託

征明至通州。遇傅太監兵萬餘。沿河立營。卽同牛录章京虎彌塞率本旗擺牙喇擊敗之。至山東濟南府。與擺牙喇阿布鼐單岱三人遇敵兵五百餘來拒。奮擊走之。斬二十五人。獲馬十六匹。又破胡總兵營於臨清城西。六年。

太宗親督兵征松山。明經畧洪承疇引兵十三萬拒戰。
賴圖庫護守

御幄。忽有敵兵持刀奔至。迎斬之。七年。隨鄭親王濟爾哈朗等。敗杏山兵千餘。斬敵兵七人。又同塔爾機善巴圖魯敗敵於泰門。斬四十餘人。設伏於八旗通志 卷一百五十 名臣列傳十 壬 初集

郭橋。夜有杏山兵來犯。斬騎兵二人。射殺五人。生擒二人。獲馬三匹。是年襲父世職。順治元年。隨睿王多爾袞入山海關。追敗流寇。積戰功。議敘。由所襲三等阿思哈尼哈番。加授爲一等精奇尼哈番。世襲罔替。累官至議政大臣。內大臣。加太子少保。

覺羅阿克善滿洲正黃旗人。

景祖翼皇帝三兄之三世孫也。崇德六年。隨大兵征明。擊敗明總兵吳三桂。復隨大兵圍錦州。擊敗松山杏山馬步軍。師旋。值敵兵來襲。梅勒章京曹

海軍。阿克善同燾章京宜爾德往援。擊却其衆。又率本甲喇兵。隨大兵。敗明經畧洪承疇。二次。七年。授半個前程。世職。八年。隨大兵。征明寧遠。敗其騎兵。隨進攻前屯衛城。率本甲喇兵。先登克之。加世職爲牛錄章京。順治元年。從睿王多爾袞入山海關。擊流寇。阿克善與有功。又加半個前程。擢管梅勒章京事。七年。九年。三遇。

恩詔。加世職至一等阿達哈哈番。是年二月。同固山額真噶達洪。征鄂爾多斯。朶爾濟。殲其衆於賀蘭山。十二年。從征湖廣。擊敗湘潭常德及龍陽縣。

八旗通志

卷一百五十

名臣列傳十

三

初集

賊兵。十四年。隨定遠大將軍世子濟度。征福建。海逆鄭成功。至烏龍江。以江水難渡。率師由山僻往福州。聞鄭成功在福州府屬高齊陸路。遂令褚庫巴圖魯巴度先往進剿。遇賊千餘。擊敗之。及阿克善至福州。賊艘二百餘。泊於高齊之烏龍江。阿克善等率官兵由水路進。約夸蘭大星。鼐等。率官兵由陸路進。合擊敗之。追至大漳河口。斬獲甚衆。十七年。同定西將軍內大臣愛星阿。征雲南。入緬國阿娃城。獲僞桂王。以歸。加世職爲三等阿思哈尼哈番。世襲罔替。

達理善巴圖魯滿洲正黃旗人。姓那穆都魯氏。世居綏分地方。初充阿禮哈超哈。崇德二年。從征山東。攻濟南府。第三登城。克之。

太宗文皇帝賜以巴圖魯號。授三等甲喇章京。世職。六年。圍錦州。明經畧洪承疇率兵奪我紅衣礮。達理善擊敗之。又率本甲喇兵。從固山額真譚泰。敗其馬兵二次。順治元年。從固山額真葉臣征山西。攻太原府。樹雲梯克其城。凱旋。奉

命移駐杭州。同梅勒章京和托連。敗偽大學士馬士英

八旗通志

卷一百五十

名臣列傳十

壬

初集

等兵。敵兵投水死者甚衆。尋馬士英遣偽總兵率兵七百來擾我營。復擊破之。五年。從征江西。叛鎮金聲桓。賊率馬兵七萬來戰。達理善隨大將軍譚泰破之。七年。九年。三遇

恩詔。加世職至三等。阿思哈尼哈番。以老乞休。康熙十

四年。擢副都統。從撫遠大將軍圖海征陝西。叅贊軍務。叛鎮王輔臣遣賊兵攻秦州。偽總兵高定。蔡元德領兵四千餘來戰。達理善奮擊大敗之。乘勝追奔五十餘里。奪其關。生擒五十餘人。又連克清水。縣。渭河。橋等處。旣困秦州。有四川。及平涼二處賊黨萬餘來援。城內賊八千餘人。

亦突出夾攻。達理善身病不能乘馬。猶扶病督戰。大破之。還營卒。

聖祖特諭曰。達理善猛烈素著。年老辭退。後復出兵。盡力。著加給一拖沙喇哈番。併原世職爲二等阿思哈尼哈番。復奉

特諭。不准削去恩詔所得之官。以其孫六占承襲。並賜諡勇烈。以旌其忠焉。

舒書滿洲正黃旗人。姓納蘭氏。世居布顏舒護魯地方。屢從征伐有功。累官至梅勒章京。崇德二年。

八旗通志

卷一百五十

名臣列傳十

无

初集

太宗文皇帝命率兵一千二百。分道往征瓦爾喀。十二月。入兀爾格陳地方。獲人口馬匹甚衆。八年。從征明寧遠等處有功。

賜銀百兩。緞四疋。順治元年。從睿王多爾袞入山海關。破流寇有功。加牛彙章京。兼半個前程世職。十一年。同寧海大將軍固山額真宜爾德等。平定浙江舟山。敘功。加世職爲三等阿達哈哈番。以病卒於任。

圖喇滿洲正黃旗人。姓舒穆魯氏。世居滾楚地方。崇德七年。隨饒餘郡王阿巴泰征山東。攻泗

水縣城。傷目。身被三創。又攻高密新泰等縣。俱有功。八年。任刑部筆帖式。順治元年。隨定國大將軍豫親王多鐸征南。破流寇。平定江南。圖喇俱在行間効力。二年。改授助教。七年。陞主事。連遇。

恩詔。授世職。至拜他喇布勒哈番。十二年。陞郎中。隨寧海大將軍宜爾德等。征浙江舟山。僞總制陳六御。僞英毅伯阮思等。引舟師三萬餘。列陣於海島拒戰。同梅勒章京柯永綦等擊敗之。手足悉被重傷。以功加一拖沙喇哈番。十八年。山東賊八旗通志

卷二百五十

名臣列傳十

三

初集

于七作亂。奉

命往查于七家產。至棲霞縣。聞鰲山賊欲攻棲霞。乃於征東將軍季什哈處。借兵至鰲山。大破其衆。生擒三百八十餘賊。康熙元年。陞大理寺少卿。明年擢杭州副都統。尋同總督趙廷臣。副都統成天模。往定海。招降僞靜波將軍侯然。美並僞文武官一百二十餘員。兵二千九百餘名。獲船七十三艘。七年。陞杭州將軍。十三年。以病還京。卒於家。

